

地 220.67
41
12

卷二十三

鄉賢

卷二十四

流寓

卷二十五

列女

泗陽縣志

亥

民國第一 泗陽縣志卷二十三

次修 傳二

鄉賢

春秋

伍舉

見左傳史記舊志祀於鄉賢

伍員

見左傳史記越絕書舊志祀於鄉賢

秦

秦嘉凌人陳勝初立嘉與銓人董緜等特起將兵圍東海守於郟勝使武平君畔監其軍嘉自立為大司馬惡屬人矯以王命殺畔聞勝軍敗立景駒為楚王軍彭城東欲以距項梁梁引兵擊敗嘉軍嘉還戰一日死

漢書項羽傳

宋

泗陽縣志 卷二十三 鄉賢

一

葛萬淮陽宿豫人徙楚州紹興辛巳邊塵不靖倡率鄉人子弟立忠義軍自稱統領時魏勝據海州楚守使萬往游說語言不相投遂為怨耦欲置之死地萬窘而逃獨行於南遇一丈人騎馬來皂韉青袍從者且十輩魏已移檄遠近稱萬謀叛揭賞求之萬疑為捕已匍匐草莽不敢喘青袍者呼曰魏勝捕汝急乎曰然曰然則從吾行萬徒步隨數十里賴馬行不騁容其追隨但饑渴交攻其人指地則飯茹陳列食之至飽乃告之曰吾為大伊山神汝三年之後當建功於國家矣使閉目勿開萬如所教覺若有人扶挾登舟耳畔風水之聲洶洶移時足履地方敢開目已達淮北岸久之復南歸又三年因獲反者蕭榮補閣門祇候充沿淮都檢死於官妻子居山陽之高師



劉世勳崔鎮人金兀朮南侵奉岳武穆札辦團練有功保參謀官通知政務爲武穆所知遂從軍河南敗金兵於朱仙鎮由參謀官保太尉及武穆下獄世勳日夜悲哀欲進忠而不能欲報仇而無自遂棄官歸隱買田數頃別築一室躬親耕鑿每日焚香於東嶽廟中修真養性紹興十七年五月二十九日日午忽聞空中有鸞鈴絲竹之聲遂坐化自後常著靈於嶽廟每宋兵與金元兵戰呼世勳名射輒中韓世忠表其精忠高宗勅封眞君之號建祠祀焉別詳眞君廟墓

元

朱顯至正進士歷任山東廉訪使子銘仕元爲山東宣慰司同知參隨達平章守濟南吳元年十二月大軍克復城

泗陽縣志

卷二十二 鄉賢

一一

池就總兵官魏國公歸附別有傳

明

劉江洪武初武進士其先從太祖取淮西伐僞吳克平江轉戰閩越繼征中原積有戰功由千戶歷陞中軍都督府僉事洪武二十五年卒輟朝二日遣官諭祭喪葬所需皆官給之禮從豐備見明開國功臣錄

舊志

朱銘崔鎮人元朱顯子官山東宣慰司同知率所部歸附魏國公洪武元年除授汝寧衛管軍百戶厥後進征中原取順天克太原轉戰秦隴川湖無役不從十七年除定遼前衛左千戶二十年隨魏國公北征金山一迷河等處卒於陣地贈卹本衛指揮子勇襲職永樂九年隨英國公張輔征交趾三著奇功陞湖廣都司武昌左衛副千戶宣德

二年攻鎮夷衛陣亡子剛嗣管軍務孫誠遷湖廣武昌左衛指揮厥後遂爲湖廣人

雲衢永樂中以舉人授浙江都司正斷事奉令討賊却之復命後遂解組歸閒居與御史孫坪太守盧敏考論道德篤志力行老而好學人敬憚之

雲霓字時望貢生出身授福建布政司正理問九年陞泉州府通判賦性廉謹取與一介不苟署晉江縣民感恩德立碑洛陽橋之下謝任歸足跡不履公門壽至七十四耆年碩望合學呈舉崇祀鄉賢

胡思忠嘉靖己丑進士任辰州府知府孝友宿成謙恭素著屢戒子弟無干公事能睦族好以節義詩禮訓勉後進崇祀鄉賢

泗陽縣志

卷二十二 鄉賢

二

朱笈字懋學元山東廉訪使顯之六世孫也嘉靖丁未進士與楊忠愍同榜授南京戶部主事嘗彈齊庶人暴肆不報及忠愍劾嚴嵩下獄故識不敢通問笈時餽慰之執政因出笈爲口北僉事仇鸞巡邊多不戢笈繩以法拜僉都御史大同巡撫擊賊累奏戰績回籍九年絕口不言外事當路要公求之笈曰進不以正吾不爲也起爲寧夏總督移代雲中皆屢著邊功迭蒙賜賚褒以璽書轉山西巡撫戶部右侍郎凡三晉地靡不安堵瞿文懿稱其風稜峻整有撥亂反正之才曾登賀蘭山觀元昊故宮有韓范功名亦等閒之句其所拔多名將居鄉能救人之難不治田宅居舍湫隘所著有龍岡文集若干卷崇祀鄉賢子德重德峻皆官縣令孫士全不仕著秋思草易戲編行世卒年八

十得行狀岡先編叙功在三邊而明史以無傳欽慕原題云司徒檢
雲公之狀公諱不詳世學為桃源人五世祖朱氏恂生賢槐里令
祥生變真定縣水變生洪遵化衛異夢生公之甫三月都督
都御史夏氏累贈恭人恭人感異生公之甫三月都督
石公善相人術過其家見而嘆曰冠領博士弟必非常人為
年卓犖不羣讀書過目輒成誦弱冠領博士弟必非常人為
督學盧公器重及壯博覽羣書下筆成言率藻麗奇
鹽糧軍餉罄弊剗世宗肅皇帝允行時齊庶人暴肆公實從
者以法飛狀彈劾劾世宗肅皇帝允行時齊庶人暴肆公實從
乃嘉靖庚戌賊人犯順嚴報至憂臣辱人當會議公勤王師笈激
不佞願為前驅衆唯賊部尚書歐陽公獨者疏薦之胸中
數萬甲兵矣前三年考績唯戶部尚書歐陽公獨者疏薦之胸中
多不部員外郎公與楊忠劾嚴繼少師觸性下獄相許目時政
通問公時遣人餽慰嚴劾嚴繼少師觸性下獄相許目時政
宰進賢萬公即公以公補嚴劾嚴繼少師觸性下獄相許目時政
一強悍民多健訟公悉心緝理被毆傷死其妻讞於公公使
家人偵訪得一人審婦婦之推諉意在一袒屠家公及知有隱情
交訟爭娶公審婦婦之推諉意在一袒屠家公及知有隱情

泗陽縣志卷二十三 鄉賢 四

色之果屠子舅氏與婦有私遂圍無甯日公守分府出
類如此甲寅歲賊正猖獗有私遂圍無甯日公守分府出
奇制勝甯侯仇鸞巡邊不戰人苦其擾害公繩之以律金
之賜咸甯侯仇鸞巡邊不戰人苦其擾害公繩之以律金
無畏忌宣後皆高第景遠君嵩王君致祥其左代驗云居別上精谷
一經品題後皆高第景遠君嵩王君致祥其左代驗云居別上精谷
五載不攜家室著老幼攀懷號泣至數十里撫按交薦堪
備副使口北軍民老幼攀懷號泣至數十里撫按交薦堪
任保釐右衛陷矣辰冬賊犯湖應諸郡縣至明年夏弗去關
南宣傳右衛陷矣辰冬賊犯湖應諸郡縣至明年夏弗去關
齋許公抗言曰逐任賊圍非朱君不可力薦於上拜公毅
御史聞報單車蒞任越信宿提兵下高山衆疑輕敵公毅
然直前選勇士八百授以方略直大破賊營又與總督楊公
順總戎趙君卿等會兵右衛城下破賊之斬首四十五級
獲百餘二千劬賊南山伏備退追至鎮川弘賜中諸乏糧公遣驍
騎給金二千劬賊南山伏備退追至鎮川弘賜中諸乏糧公遣驍
十履任纒旬日耳奏捷於朝士論賊壯之夜遁而右衛之圍公
公履任纒旬日耳奏捷於朝士論賊壯之夜遁而右衛之圍公
督兵凡十餘戰於半截橋又戰於百鵝二十口餘獲馬匹合八
村青屹塔三井村皆破之斬首級四所掠習公振立紀綱人
百六十四鎮兵器變之七豪宗土著驕悍成習公振立紀綱人
大同自鎮兵器變之七豪宗土著驕悍成習公振立紀綱人
整肅文武信賞必罰事權宜民懷未三閱月百制廢宗以禮馴強
暴以肅文武信賞必罰事權宜民懷未三閱月百制廢宗以禮馴強

孤懸賊論時竊窺盜公備禦不候代間賊有功蹂躪西官以不
方去國廢潛遁表旋師稟欲以捷聞諸朝謀曰此擒賊首二
十餘賊懼所及示竟浪沒矣後令報中吳時來論都督賜楊
威公之武獲縱指下獄公之餽問忠愍楊公也暗疾勸官羅
順公侵曲庇順罪且御公之餽問忠愍楊公也暗疾勸官羅
嚴公侵曲庇順罪且御公之餽問忠愍楊公也暗疾勸官羅
自責處之謫成永甯功蹟不履公廷比鄰罕衆識其面獨居九
載外事絕之虛實顧場之以邊鄙為政之舉廢又勉有過者靡
不講敵情絕之虛實顧場之以邊鄙為政之舉廢又勉有過者靡
焉永甯城久圯場董公建議中亦編氓其地者以暴疾率城下
民賴以全光祿鄉董公建議中亦編氓其地者以暴疾率城下
家眷未隨公屢欲起薦有伺其意仍治者公殞之日進不以疆
當路知公才屢欲起薦有伺其意仍治者公殞之日進不以疆
吾不為也夏丁卯戴之宗嗣父母是年賊還尋起撫夏公持大體
寬嚴相濟也夏丁卯戴之宗嗣父母是年賊還尋起撫夏公持大體
我師皆捷十有八平賊城之二捷獲馬四級三物百奪八回所掠男
女一師百五捷十有八平賊城之二捷獲馬四級三物百奪八回所掠男
十有六達駢七器械七十明年戊辰賊來又河屢破之捷斬首三
獲馬三十器械七十明年戊辰賊來又河屢破之捷斬首三
可腦破之寶蓋座纛一件番書二册戰戰馬五獲尤多內一賊
首羅焉銀寶蓋座纛一件番書二册戰戰馬五獲尤多內一賊

泗陽縣志 卷二十二 鄉賢 五

甫八歲會雲中多是築邊墻四千三百餘丈敵臺入二十八座
道曰我公忽來吾輩更生一矣初赴代雲中仍遣將士出塞遇
敵於放忽來吾輩更生一矣初赴代雲中仍遣將士出塞遇
之捷聞賜金綺陞俸寇一級中郡縣遣趙黃泰等有拒敵生擒
人降賊為首賊妥鄉導歲患中一級賊遠遁去致有被掠王秀才
來不自賊月中蒲州公鑑川王公率受欵塞上謀公已實與有適
歸不數賊月中蒲州公鑑川王公率受欵塞上謀公已實與有適
復起西夏賊已入貢矣獨甯夏兵食充足垣堡繕固器械
馬霸州王公閱視三秦獨甯夏兵食充足垣堡繕固器械
精利為諸鎮最首薦之厚資旌其勞焉憂鎮田多荒蕪
租稅賠累民日以敝公條陳便宜十五事繪其疾苦之狀
以進都御史開豁奉特旨蠲除不復文駁勸蓋政濬信公也溝渠
西副都御史開豁奉特旨蠲除不復文駁勸蓋政濬信公也溝渠
葺學校有缺謨上賜白金文幣陞率一級甲戌春建元三貢
禮成疑有缺謨上賜白金文幣陞率一級甲戌春建元三貢
部右侍郎互暑市事久不愈連疏乞歸蒙旨諭允入淮境雖臥
榻猶綜理互暑市事久不愈連疏乞歸蒙旨諭允入淮境雖臥
父老捐糜弟不迎慰之公曰疾何足問我逐臣也先帝拔之廢
棄即捐糜弟不迎慰之公曰疾何足問我逐臣也先帝拔之廢
之殊言也耳公我清直不剛方綽有占爾忘家君爾忘身亦欲無
媿斯言也耳公我清直不剛方綽有占爾忘家君爾忘身亦欲無

朱公風稜峻整凜然人不可犯真撥亂反正才也自做腕才便以臯夔事業為己任嘗發賀蘭山觀元昊敗宮阨腕嘆曰韓范經略數十年不能縛元昊於闕下功業竟爾耶有韓范功名亦等閒之句其志節尚可想見矣公開府三鎮軍政嚴明賞罰不爽毫髮善御將循幸以故樂為之用識馬芳於降敵拔胡鎮於行陣其他趙君苛劉若國輩邊境無賴遠近遇之必溫問周恤同邑民王隆被巨寇逮知者無論遠近遇之必溫問周恤同邑民王隆被巨寇逮獄者十五年降曰此亦事須龍岡公高第能洗之竟如其言急人之難如此自釋禍以至崇廬自奉甚約衣無重帛食無兼味有同寒皴無不治田產居宅湫隘不以寵辱介意疾來語言神氣無異始終數千里輿疾抵家終於正寢也公生於正德壬申二月二十五日終於萬曆二年十二月

月初五日享年六十有三配田氏累贈恭人繼配戴氏累封恭人子男三長德行太學生妻夏氏次德重娶張氏德峻娶卜氏繼蔡氏俱庠生戴所出也孫男三十魁士彥夏出十諒女孫二幼張出所著龍岡文集若干卷奏議若干卷藏於家禮與其子德行素相善且知公頗悉故為之狀云賜進士出身承德郎禮部精膳司主事會稽章禮撰述

泗陽縣志 卷二十一 鄉賢

提督滄泲廠事公帑外一無所私愈錚錚有廉明聲府道薦之陞本省清遠衛經歷致仕歸兩袖清風其所遺子孫者惟青緡而已(舊志)

房厚康萬歷拔貢任東昌府教授有課士功詳東昌府志孝友傳家子孫世守不墜其業

王九思萬歷歲貢歷任英山縣訓導滕縣教諭郴州學正署桂陽縣知縣減免印下牛稅百姓感德立生祠

谷傳聲字中虛萬歷歲貢幼有大志家貧勤學不倦初任河南永城縣主簿廉明盡職永多巨紳交口揄揚陞授德

平縣少尹德民朴愿傳聲化導之嘖嘖有遺愛聲上官知其賢調齊東縣知縣賠逋賦息爭訟清奸弊在職一年而去民攀留不獲如嬰兒之失父母也當時獎語有云視篆

無營臨民有度

胡永寧字康伯號迪堂隆慶拔貢兵部尙書史可法保薦知縣初任虞城縣禮耆年緩催科及徵限將滿耆老詣堂哀告因以俸入抵解民歡呼輸納數日而畢轉蕭縣屯田知縣亦有政聲解組後偕幕賓歸里賓馬斃推已馬與之流賊追及問其故曰好人好人護送之既還鄉閉戶不問世事當道欲奏起用固辭而止明亡史可法將殉節先囑子以愚於永寧永寧妻以族女使有家室焉

白長庚任浙江上虞縣知縣寇發與弟應庚竭力抵禦以無援戰歿上虞人哀之爲立祠焉

周源字騰芳貢生出身萬歷三十八年任江西饒州府餘干縣令仁聞遍四境人民戴德政績載餘干縣志子命新有周天成者行止端方時稱長厚君子俱見舊志

王克讓萬歷年貢士任通州同知多惠政人有老佛之號盧士恆貢監崇禎十六年授河南歸德府夏邑縣兼屯田知縣有廉能聲鼎革後掛冠歸隱與族弟士泰同里居皆以孝友聞清順治十八年有命徵辟遺老巡撫秦特疏薦士恆云文而兼武弘濟世臨戎之才友以並慈樹敦倫賑乏之德居鄉有望振國多奇十八年漕撫蔡爲各屬勸賑事例復疏薦終高臥不出縣令姚沈二公欽其德望兩舉鄉飲大賓子邦定邦棟士泰子邦模俱宦達人以爲盛德之報云

以上仕績

張住兒吳城鄉人母孟氏疾篤救療不痊乃持刀於脇下

割肉爲羹以奉母食既而病痊洪武二十五年旌表祀於鄉賢

張問行兄弟三人鄉黨稱爲三善士好周樂助自錢糧衣食外無寸絲斗粟孝行娛親有斑衣之風刲股廬墓邑侯龔爽旌其門曰善孝性成更免田三頃

朱仁嘉靖年貢士官教諭性至孝初婚配父賓病卽絕私室供湯藥及父歿仁廬墓側單衣跣足隆冬不易有芝草感生祀於鄉賢

朱佐廩生年十八母陳氏病篤佐籲天求代刲股煎藥母得不死復延壽三十年崇禎二年旌表孝子祀於鄉賢

毛九疇崇禎增廣生父永年病故疇哀毀滅性死

夏允甲由國生任陝西榆林衛陞山東濟南府參軍李賊

亂自投於火家人劉引救出已焦頭爛面夜夢白鬚老人食之曰忠固爾分但爾有孀母在可飲此越七日愈卽棄官歸里養母以孝終卒年九十一

張東啟性至孝父有疾不飲酒食肉籲天祈代父歿遵治命給資粧遣嫁婢妾事嫡母王如生母出入必告平生正直作詩明志甲申之變莊烈帝殉社稷不食而卒

以上孝友

吳勝洪武貢生任河南永城縣教諭有學童陳德彰者貧不能讀書勝助之學後登甲科宰桃邑不忘舊德爲之建坊今傳吳家牌坊是也

朱瑛正統六年輸粟九百石助餉得旨旌表

葛耿字守聞嘉靖時儒士家殷富甲於江南北曾助兵餉

七十萬朝廷嘉其忠義賜璽書褒美旌曰尚義之門晉爵鴻臚寺少卿世居城內葛家巷今葛氏族譜載耿之祖每遇歲荒普行賑濟邑宰名其鄉曰恩福葛氏亦世濟其美哉

儲英明末監生時邑中凋敝錢糧繁重英不惜千金拯救又獨建啓聖祠修橋填路贍貧濟急不一而足妻王氏故守義不娶清順治十六年邑侯鄭牧民旌其門

夏鶴聞字嵩岳鶴算弟性孝友樂善好施崇禎十三年兗豫荒流民麇至聞傾家施濟菽粟不敷繼以麻餅全活甚衆卒後妻黃氏守節撫孤則昌則奮成立後復值歲歉黃氏携次男則奮并婦高氏就粟徐溪姑慈婦順相繼辭世則奮載兩柩歸抵孟山湖舟幾覆泣禱幸免歸葬故里人

咸以爲世德之報云

朱勳茂才績學篤行君子也嘉靖七年詔天下聖廟改用木主動具牒官府願請聖像私立廟祀用牛車載之行至黃泥港墩上車忽止禱之車自轉面子午勳因卽其地立廟廟後一樹無種自生莫識其名花實無常有之則朱氏必有遊泮食餼者歷驗不爽互詳夫子廟條下

韓應春萬歷時生員以地方絲役苦累官民交困於崇禎初年與王用中等赴京師列欵奏聞疏云竊惟臣等幸生盛世蹇處窮鄉以極衝極疲之地方當極災極困之時日司牧者日擊民艱苦於功令森嚴不敢入告臣等患切剝膚冒死陳情大江南北水陸交衝之苦又無過於臣等桃源一縣蓋桃源邑無城郭從來皆沙磧之地河決之患無

歲不然而天心又若有意爲厄旱潦蝗蝻踵至迭見卽極力軫恤尙不能支不意萬曆五年偶因十三湖蕩暫涸可耕議加漕米至九千六百有奇較舊制三千之數驟添兩倍後水患仍舊成湖漕米一成不減銖銖粒粒莫非割肉敲髓而得之者物力銷耗已非一日又值孔道通衢與僻靜州縣不同而來往官長與承舍各役皆因黃河洶溜以舟楫爲險夫馬爲便其應付之苦叫號盈途絡繹不絕無不賣子鬻女蕩產傾家不至於死而不止者其海州與鹽城縣原奉祖制設夫廠在桃源河下應差乃忽改爲協濟以救死不贍之民安能舍己耘人當此賠累不獨此也近因需餉甚急加派遼餉民不堪命催督益嚴雪上加霜正此之謂而一戶之逃累及一族一族之逃致累一甲而累

及一里本縣四十八里戶口之中全逃者二十餘里僅存者二十餘里卽素稱富饒之里亦因賠累消乏而逃十之二三通縣計之無一全里全甲此皆編審冊籍可考難逃撫按道府之查覈故四十餘年以來縣官被累而斥降者十有四員參觀龔夷新選奏疏代庖被累者不與焉至於吏胥里役血比淋漓披枷帶鎖斃於杖斃於獄投河自盡削髮披緇百千萬計眞鄭俠之圖賈誼之哭無以踰此卽臣等二三子遺皆出萬死而得一生者也民窮盜起故去歲流賊猖獗焚劫官舍殺掠士民愁慘滿目不忍見聞恭遇皇上聖明御極海宇歡呼匹夫匹婦無不得所如淮之清河一縣近蒙聖恩議蠲議豁臣等桃源之苦百倍清河不敢不列名上聞仰干天聽並不敢有一字之虛以蹈欺罔不赦之

罪伏乞敕下該部覆請定奪庶淮安猶可存久廢不支之邑而桃源猶可留欲逃未去之民臣等無任激切哀鳴之至疏上朝廷特簡龔爽任桃源縣知縣撫字疲民論者謂應春與王用中之力居多也

王用中字見升以貢士詣廷試時桃邑水旱頻仍耆民赴京叩闕不能達用中具呈徑入文華殿呵阻用中厲聲曰昔丙吉問牛喘桃源數萬生靈朝夕待斃曾不如牛喘乎卽脫柱將碎首大學士朱顧二公咸爲動色遂入告得俞允特簡才幹甲科龔爽料理疲邑清地減糧民以安堵莊烈帝視學太學生三千遴選十人給牙牌前列環橋聽講大司成蔡公喜延見名宿用中皆與焉後授別駕見天下亂遂歸隱

陳明治號惺初歲貢生才華通敏試輒冠軍文章德望爲闔邑師表崇禎十三年大旱蝗食稻盡明治上書大府以麥代米民得以甦常具三大不平疏上之史閣部用其議世雖荒亂邑民多所存活晚年韜光不仕好道自重誦太上感應篇金剛經行善事重交誼好賓客浮白釀飲林泉自適生四子次日俞別有傳

許炳忠明末主簿奉回教居衆興富於財史閣部駐兵白洋河助粟六百石與弟素忠疏太平巷建太平橋善緣菴造清眞寺邑中有大興作無不與焉

以上德義

白應庚參將銜隨兄長庚禦賊上虞殉焉

以上忠烈

毛守義嘉靖年附貢毛家湖人著西河館詩集西河集續
篇補篇均待梓

林松山博學工草書能詩有時名燕子磯振衣千仞四字
虎邱山虎邱二字是其遺筆也

孫光國明末貢監生義氣敢言在諸生時卽以天下爲己
任大家宰溫公成楊公銓曹龔公皆以國士期之後值
世亂林泉高尚花竹詩酒以自適衍如也聲華仕進一切
不能動終老於家

劉奮翀字雉飛明經樂道終身以詩酒自娛足跡不入城
市著同引堂詩集

胡定庠生老鶴汀人隱居樂道著了閒集

王士升恩貢生明亡豫王南下泊舟河干士升迎謁慷慨

泗陽縣志

卷二十二

鄉賢

七

歎歎王欲携之同行辭以親老不忍遠離遂優遊林下以
終

以上隱逸

盧廷闌字芳谷廩膳生嘗鄉試過金陵見機工織花者十
人提一機笑曰拙矣衆工請之因爲變其製照所織何花
編爲歌詞上唱而下應之以一人十指代十人其巧殆天
授也由是姑蘇杭城機工爭相延聘後卒於金陵至今江
南機坊祀之號曰盧祖事詳情河蔣階甦餘日記

以上技術

曹淨曉太平觀道士參黃庭內外景十三經得其玄妙修
道於雲台山久不歸其弟訪之食以胡麻餅至家不饑萬
歷年携犬回觀尸解於西廂弟子爲之塑像供香火焉後

人更於雲台山見之

田養德字仁齋素行純謹姿稟聰慧讀書於大聖橋除夕遇異人授以修煉之法及金匱奇方遂精醫理能起死回生居淮以醫救人江南北多受診焉人稱市隱後仙去

以上仙釋

清

王峙福字修崇乾隆戊子科武舉己丑進士藍翎侍衛授福建興化右營副將陞右營都閩府署台灣參將卒於任所峙福在台灣娶妾林氏與喪歸守義終身並得旌表焉田宏猷納粟從九品襄事河工補蕭縣主簿乾隆五十五年調赴直隸永定河工補永清縣主簿陞固安縣永嘉慶五年補授固安縣知縣甫下車卽與家人約曰在官俸金

泗陽縣志

卷二十二

鄉賢

十三

外皆賦也不可以絲毫累我官聲月吉率僚屬周行鄉里問民間疾苦課士有程勸農惠工肫肫然如父兄之詔子弟也故爲政三年邑以大治有龔渤海之遺風焉時有大府某索餽遺猷無以應且以驚見憎遂去官民攀留不得則相與繪像建碑以誌去思焉

田宏謨字汝姿號竹田投効河工陞高寶河營守備旋調堵築豫省河工督辦浙江海塘冒雨督工晝夜不懈補授淮陽河營遊擊乾隆五十三年奉命勘修湖廣荊州府萬城江岸石壩有功賞戴花翎授江南葦蕩營參將嘉慶二年授徐州左營副將封武功將軍

張鴻熙一名林字丹榮太學生樂善好施放生戒殺每出必貯錢囊中遇有捕生物者輒贖放之乾隆五十一年大

荒斗米易田數畝熙指困按戶分給凡出粟二千餘鍾全活甚衆後皆焚券免債人感其德鄉黨稱善人焉年五十無子妻章氏賢淑勸置側室弗許熙有事出章急置陳氏女於家俟熙歸浼戚友懇說許之後章生二子陳生五子科名富實爲河北鄉巨族人以爲積德之報云

鄭自彪字虎臣好古文薄時藝不應科舉而文名震於遠近自奉極薄周卹貧苦年九十四淮安知府胡給獎善慶攸長學使劉給獎懋昭大德淮陽道汪給獎齒德兼優邑令沈給獎博施濟衆王給獎推解可風于給獎樂善好施盧順字庭和幼孤投効河營以卒伍起家累官至參將上遊刮目總河黎培敬尤以國士遇之順益奮激自效故事河營武職既不重騎射亦無校閱自三汛搶築鑲埽外餘

日卽無所事事參游大員皆優遊養望順獨刻勵講求宣防事宜訓習所屬弁兵無少休暇遇事不避險難爲士卒先槌竹箠笞咸有法度辨土性之疏埴測水勢之濡猛若燭照數計故凡所修築罔不堅完嘉慶二十四年秋河南馬營壩決口山東直隸並災朝廷特命相國吳璥持節治之璥前督南河知順才檄往助理順既抵工辛勤畚鍤臥不脇席七閱月而龍口合先是分工時某君管東壩順管西壩已掛纜合龍而東壩忽蟄數十丈勢甚危急順趨往搶護或云有任其責者何必問順叱之曰此王事也何分畛域挺身往衆感激効命石蓄竹槌并下歷兩晝夜埽始穩定忽壩心蟄一穴衆方愕貽順趨前試探踵起土卸身隍穴中縋救莫及竟以殞滅自使相以下皆號哭無措然

水勢亦自此徒落而隄工告成矣事聞贈副將銜照陣亡例給予卹典勅封武功將軍入祀京師及本籍府城昭忠祠世襲雲騎尉子寶祥襲職官安徽前幫督運千總

黃永清字問渠嘉慶戊寅科武舉効力南河歷任葦蕩營把總陞中河營千總泰州營守備因拿辦梟匪吳克運案內出力賞戴藍翎陞河標中營都司調署常州營遊擊陞淮安府城守營參將拿獲要犯梁學典及勦海洋匪案出力賞戴花翎調任海州營參將蘇州城守營參將調任撫標中軍參將陞署南京城守營副將調授太湖協水師副將陞授河標中營副將簡放狼山鎮總兵未到任病卒贈武顯將軍子若臣南河候補通判光緒元年奉委辦清江浦粥廠全活甚多調沙溝捐釐加同知銜誥授奉政大夫

張楷字聖培以其父跳埽落水之難蔭河營把總升蕭南千總汎內有關莊壩險工請加修防且謂遇盛漲必決口廳官不可楷爭之益力徑呈徐道廳怒揭之總河徐公罷其職然遇鉅工猶檄楷承辦楷去任八年_{即嘉慶十六年}湫漲關莊竟決定例有工之所決口本廳當置重典遂更地名爲李家樓其實李家樓去決口尙三十里江督百齡廉知其事原委欲翻前案重用之復牽於讒說而止以爲葦右營把總楷與山陽郭大昌友善皆習河事關莊旣決廷議以海口高仰將徙河道北出灌河口或南出射陽湖特命大學士覺羅長文敏公麟戴文端公均元相視楷與大昌議果若此則吾淮人類且當盡急措貲二百緡使大昌延包世臣作說帖極言海口并無高仰河道不宜輕改因漕標

副將鄭敏以上之二相一相得包說帖驚歎改道之議乃寢不知皆楛之策也

陳虎陸城鄉人洋河右哨千總性至孝母病日每日以舌舐之目遂愈退食自公必至母前親視寒暖問所欲而敬奉之鎮東黃水泛溢隄防將潰身率兵卒堵塞防禦民賴以安後因剛直忤上官意罷官人多惜之

尹耕雲字瞻甫號杏農父漣嘗刲股療母病官山旴營守備屢任大工修築堅實帑不虛糜爲河督黎世序所倚重世序一日召漣語之曰吾元旦筮得臨卦辭曰至於八月有凶今秋當死河工事將變變作必在山旴汝其識之世序卒之歲周橋果決漣以是罷官耕雲幼穎異侍大母疾刲股和藥露禱於庭病立瘥道光己酉拔萃科舉孝廉庚

戊戌進士歷官禮部郎中粵逆北犯惠親王奉命爲大將軍僧忠親王贊軍務檄耕雲入幕府上書五千言論京師形勢及巡防利弊當事多所採納咸豐八年授湖廣道監察御史署戶科給事中時方多事條陳得失封奏月數上其請收成命以嚴賞罰疏曰上諭訥爾經額著以四品京堂候補聖意高深臣下何由窺測然記曰爵人於朝與衆共之刑人於市與衆棄之訥某之罪衆之所棄未喻其所以復行起用也方今江淮楚豫軍務未清秉鉞之臣所以奮不顧身必欲滅此朝食者固屬篤於忠義亦由國家信賞必罰有以畏服其心耳萬一效尤解體患何可言昔琦善起用因陳慶鏞之言收回成命神聖詒謀炳垂史策伏願紹述心傳俾天下咸仰大公請授曾國藩爲欽差大臣

以援湖北疏曰湖北武漢二府地居上游北可窺關陝南可脅湖湘東可撼吳越西可制巴蜀自古南北用兵皆出死力爭之咸豐三年武漢再失前兵部侍郎曾國藩忠義奮發簡練鄉兵重復武漢乘勢東下圍攻九江克復之期在於日暮乃五年賊由北岸上犯避實擊虛督臣望風奔潰武漢復爲賊有非克之易而守之難也蓋黃梅廣濟興國大冶居省垣肘腋賊躡斬黃則武漢危如累卵故欲搗金陵必先經營武漢今羅澤南胡林翼等先後濟師崎嶇數載僅收殘局而賊用其故智窺伺楚北分擾廣濟黃岡逼近省垣撫臣胡林翼兵勇數千衆寡懸絕江路綿遠首尾不能兼顧萬一蹉跌封疆之事尙堪問乎曾國藩忠勇樸誠久邀洞鑑用以急難斷不敢辭惟用人而不盡其用

與不用同曾國藩比在江西未建尺寸功事權不屬威令不行也應請授爲欽差大臣統兵赴援湖北率其舊部以解震鄰較諸他臣事半功倍劾滇督專意主撫疏曰滇回流毒徧於三迤焚燒殺戮之慘中外共見共聞其罪狀之大者則攻陷大理後立僞國設僞官將迤西道林廷禧參將懷唐阿知縣毛玉成割取首級懸四門奸回動日報復漢民與官無涉此數臣者官乎民乎此而可撫孰不可撫恆春舒興阿主撫敗壞至此吳振械不思變計惟撫是議夫使退出大理縛獻凶渠盡解省圍如此而曰就撫猶可言也今則據者自據圍者自圍遽以沿途訪察情形爲逆回飛章入告夫逆回狡詐反覆此撫而彼叛旋撫而旋叛或旣撫之後仇殺太甚漢民激而生叛將來之憂正未有

艾目前之計斷不可行故爲國勢計必先勦後撫而後威
可申爲滇省計必先勦後撫而後爭可弭卽爲回民計亦
必先勦後撫除莠而後良可安籌淮河以遏賊鋒疏曰定
遠失守全淮盡爲賊有上自懷遠下至五河沿淮處處可
渡西北可達宿徐而趨曹兗東北可達靈泗睢桃而趨兗
沂順洪湖東下可達清淮而趨青沂粵捻新合必爲北竄
之謀淮河之間並無一旅所恃山東爲之屏蔽而金嘉魚
單鄒費蘭蒙諸邑無日不爲捻匪蹂躪撫臣幸其不戕官
據城於賊退後捏報勝仗內則巧爲彌縫掩一人耳目外
則恣其腴削竭萬姓脂膏民怨日深無事之時猶足驅民
爲盜一日粵捻交至從而響應冀其保全齊魯京輔難矣
况粵捻合勢北來勝保翁同書隔在賊後傅振邦偏在西

路不能斷南北之衝山東勢如破竹可爲寒心本朝官制
各直省承流宣化責成布政司督撫等官原以寄將帥之
任今乃概謂軍旅未學別簡大臣帶兵堵勦此省之兵調
之他省此任之官移之別任兵皆客兵官皆客官平日恣
睢偃蹇臨利害則秦越相視而已故臣以爲任將帥不如
任督撫惟懇俯念藩籬重地立將撫臣罷斥簡大員往代
其任於洪湖多募水師置砲船溯流而上直達五河臨淮
使賊不得由鳳陽以下徑渡其懷遠上下百餘里夾岸皆
賊礮船不能上駛水路難防宜飭傅振邦全軍移紮固鎮
靈璧一帶使賊卽渡淮不能長驅而北一面於淮徐曹兗
適中之地調撥馬隊三千與前派德楞額所帶一千名益
以青德駐防馬隊千名派重臣在彼駐紮賊竄何路卽由

何路截擊再合各路之兵追剿驅之盡歸淮南然後步步
進逼以期收復皖北而山東得以整軍經武堅固屏翰京
師本計疏曰一曰平糶米價踊貴由商販居奇持之稍急
藉歇業以爲挾制古云萬家之邑千斛在而物價自平請
將本年儲倉豫東小米及局收雜糧撥數萬石於京師內
外城各擇適中之地開官糧店遴廉幹官司其事價減十
之二買不過一斗用票用錢悉從民便夫糶與振類辦振
必須查口平糶祇須查戶戶貧無力者予以官籌載明糶
某局而記其姓名於冊開糶日驗籌予糶查戶不必盡諉
諸委員胥吏京官紳戶住居既近耳目較真俾以協辦上
年王茂蔭等辦理守助約章程可以仿造一日采買京倉
米豆搭放兵餉撥以平糶憑何彌補夫商販米價所以騰

貴無非謂當十大錢七八十文買銀一兩京外每兩制錢
二三千文出入已多折耗加以道途盤費門關需索成本
既重亦是至情若官爲采買卽不患此夫部庫所儲者銀
而支放各項錢款爲多請卽以平糶之錢支應放款若慮
庫款難以彌補則捐銅局現收各項俱係交錢究之捐生
何嘗不挈銀而來請飭戶部酌議某項搭交銀一成或二
三成亦捐生所踴躍庫款不難彌補至經手采買之人應
由部招徠殷商取其保結采買之地則宜遠不宜近宜分
不宜聚一曰賙卹八旗五城豈無樂善好施之人其憚而
不爲者輦轂之下誰敢以市義自居而且食指數十百萬
施濟爲難方今之計莫若各統所屬紳富開導其能出資
開設糧店與官店相輔而行較市價隨時而減此賙卹之

上者糾約同人共平市價者次之以小米數石數十石捐助官糧店者又次之市價既平分別優叙亦所以勸爲善而後人心也一日蓄積比年海運未能足額都人以乏食爲憂不如卽根本之地務爲蓄積近畿水利自元明代興代廢雍正開設營田局得稻田六千頃有奇今河道不修溝渠湮塞見存地畝不下三四千頃每畝一石歲可得稻米三十萬石上年捐米局所收以之搭放俸餉是其驗也請飭下直隸督臣查明現存稻田若干頃約計歲收若干石刈獲登場由官照時價收買運送京師又禹貢四百里粟五百里米蓋以粟米爲賦順天府屬二十餘州縣皆在五百里內請悉收本色每歲所入不下數十萬石如南漕足額則此項贏餘出陳易新以備災荒統籌大局疏曰昔

人建省安慶與九江金陵相爲犄角控扼長江意自深遠上年徙治廬州已失形勝茲併廬州亦不能守舒桐棄爲賊巢黟祁畫若境外此時胡林翼等肅清武漢進逼九江各路重兵節節前進而安省之賊或由英霍走湖北牽我上遊或由徽歙擾浙西騷吾腹地我軍分道救援疲於奔命賊有四達之路我無三面之圍雖日克一城何益大局安省之賊一日不盡則數省之賊未易殲除撫臣屢經挫卻聲威頓消桑榆難必候補京堂袁甲三忠勤果毅素得民心見在穎亳與捻相持如以巡撫安徽必有毀家以供餼索之用者該臣亦必感恩奮身圖報請飭應援圖皖楚師疏曰軍興以來征調半天下糜餉數千萬雖有斬馘卒未能掃穴擒渠則以屢後時而數失機也曾國藩初復武

漢順流東下李續賓簡銳東征直趨廬鳳皆有滅賊之機而失之九江之蹉跌三河之敗亡一軍奮而諸軍遭迴一將入於宵中而諸將觀於壁上功敗垂成賊情復熾今曾國藩蓄養精銳所向克捷逆渠陳玉成張樂行等率大股悍賊十餘萬齊往潛山太湖抗拒衆寡之數十倍於我一有疏虞不獨曾國藩等智窮力竭難期復振且全楚震動河洛騷然天下安危關係甚重兵法云攻其所必救又云致人而不致於人此時廬鳳六合賊勢必單請飭袁甲三張國樑尅期進取搗其巢穴逼令反顧或令兩營各簡銳師統以健將問道疾行出其不意爲楚師聲援亦足以褫其狂魄詔書所至袁甲三等知聖意所在不敢如前此統兵各員秦越相視則釜魚檻獸之形成而摧朽拉枯之勢

舉矣劾河督請籌大局疏曰清淮爲東南七省咽喉關係大局其地運河貫其中黃河襟其北東南西三面濱湖如宿遷之歸仁集桃源之金鎖鎮清河之馬頭鎮天妃閘等處風檣迅利頃刻可通無論賊竄何方皆將直趨清淮河督庚長數年以來未嘗眞養一兵練一勇所謂領地升科抽釐助餉等項盡爲劣員侵吞居民商賈敲骨吸髓士庶寒心軍民解體使賊竄清淮必棄之而走請將庚長罷斥篆務交袁甲三兼攝責其團集水勇控扼全湖調集馬步招練壯勇庶可補救於萬一請改營河爲操防疏曰黃河改道下游已成平陸無工可修淮運各廳亦以河運未復閘壩隄身久不葺治大小文員本可裁撤因地當孔道必設重兵扼守故河員仍舊歲撥銀二十萬鈔票數千萬以

治何之人爲防賊之用無如河臣等喪心已久積習難除無事則冒功邀賞有事則聞警先逃卽另簡大員往代錮蔽把持終所不免惟有請將河督及黃河各廳悉行裁撤酌留清水數缺以司啟閉其河標官弁數百員兵數千人一律收歸操防汰其老弱加以訓練以歲撥之銀爲之餉糈復任文武大員專司統帶於邳宿扼要地方分置南北兩營以爲門戶先後疏入皆施行而於直沽夷務尤剴切指陳章凡八九上最後以設立夷館事與陸秉樞合詞會團防大臣名進疏力爭及軍機王大臣九卿科道會議耕雲復抗辨數百言繼以痛哭其議遂寢巡視北城一年清積牘以千計嘗夜出雨中見數人蹤迹詭祕逮訊得張七移尸一案置諸法言者謂有神功津事亟京師戒嚴耕雲

胤立水火會以兵法部勒編查保甲奸究無所容戊午順天科場事發以任內監試失察鑄級去任十一年駕幸木蘭耕雲爲當事草疏極諫復致書執政責以大義時相國文文忠公祥提督九門見耕雲於東城相持而哭因爲創置留守事宜數十則先是耕雲已被回籍團練之命以事急留襄城守和約定遂策蹇出國門副都御史毛昶熙爲河南團練大臣奏延幫辦軍務留河南入治軍書出援桴鼓同治元年攻金樓寨教匪以步卒五千隸僧忠親王部下歷數月禽渠掃穴事載豫軍紀略絃功以道員簡放同治三年檄署河陝汝道陝獨方熾征調絡繹民苦供億多將軍隆阿西征購糧陝州斗斛倍市肆靈閩廬三屬責賠小麥數十萬斤追呼迫切耕雲言於巡撫咨免之撤遣楚

師橫恣不法斬以徇餘皆斂戢屬境有河陝嵩廬四營額兵逾千守道無兵備銜不得問耕雲以境多險僻爲刀匪所出沒且逼西焰慮緩急無以應上請得節制河陝兵六年署糧儲鹽法道兼管水利局務役歸師濬城外惠濟河積水以消武涉沁河浸溢奉檄堵決口三閱月歲事費省而工固以前勞加布政使銜十三年授河陝汝道定所屬差徭故事河陝民出車馬供支漫無稽考吏胥紳士因緣爲奸歲用金錢按糧畝攤派幾亞常賦鄉民無可伸訴時相構豐耕雲飭當路州縣嚴定章程遇差至置尺籍申報月計歲會使無可容奸歲首不可勝計光緒三年大旱西路益甚以救荒七事上大府一清查戶口以核等次一咨訪殷富以勸贖卹一稽查倉穀以資糶貸一較量災區以

別蠲緩一捐廉倡率以備振粥一收留老弱以救死亡一解散誘惑以靖地方復飭所屬清理庶獄省釋羈囚未幾卒於官清史循史有傳祀於鄉賢著大學緒言二卷周易輯說四卷豫軍紀略十二卷心白日齋四卷子彥鉞字子威光緒乙酉拔萃科分發山東知縣佐張耀幕早卒彥鈺字子和號廉叔光緒丁酉拔萃科召試經濟特科充英法意比日奧班葡西九國使署隨員多所建白歸國後指分安徽卽補府道歷辦學務巡防警察釐金洋關等局所民國五年調湖北寶塔洲徵收局長九年卒於任所著救劑篇二卷時務策三篇

尹彥釗字子勗耕雲猶子咸豐八年由刑部湖廣司郎中隨同河南毅軍襄辦軍需因勘甘肅通昌通貴納家關等

處賊圩甯夏西岸三縣回匪肅清保花翎知府光緒七年
指分浙江歷任硤石海昌釐務暨滬津通三局海運差遣
叙績加鹽運使銜補缺後以道員用旋病歸卒於家

戴鳳閣字蘭圃由從九品授南沱司巡檢隨州吏目改補
湖北宜昌府武昌府經歷以軍功加五品銜賞戴花翎生
五子長鴻經字聖傳庠生補授河南歸德府經歷勦匪有
功咸豐十二年授商城縣歷署鹿邑內黃息縣祥符等縣
有惠政陞直隸州賞戴花翎次鴻綸字仲如候選州同授
廣東潮州府黃岡分府次鴻猷字有峯州吏目勦匪有功
補河南衛輝府經歷在任候補知縣鴻經子鶴濂字應雨
附貢生光緒辛卯舉人大挑二等分發山東歷任金鄉泗
水范縣知縣鶴濂字鏡泉由從九品授南陽府經歷賞戴

花翎子孫寄籍河南祥符縣

夏掄謨字子襄世居洋河家貧嗜學篤於孝友弱冠補博
士弟子員以優廩生中咸豐己未科舉人庚申公車北上
值捻匪之亂半途而返議於洋河米市街築圩爲守禦計
匪至不爲害鄉里賴以保全同治壬戌成進士籤分江西
卽用知縣閱視南昌各書院課藝士林悅服髮匪寇贛垣
奉檄巡城修器械治守具悉中機宜匪亦旋退查勘河工
釐剔奸弊不爲威脅利誘人懷畏忌思有以中之行至鄱
陽湖鑼山磯口觸石覆舟溺死或曰有擠之者也事秘無
左驗卹贈知府銜賜三千金養母蔭一子入監讀書

蔡鳳閣字雲巢號拙菴世居崇河鄉學問淵深性情純潔
咸豐時髮捻肆擾邑無完土鳳閣聚族而居築蔡圩於穿

城西籍壯丁團練與穿城相為犄角賊屢犯不得逞鄉里賴以保全保獎訓導中同治甲子科舉人揀選知縣歷任蕭縣贛榆教諭六合訓導課士以品節為先文藝為後贛榆縣志為立傳解組後主講淮濱書院多所成就善書法臨聖教序逼近右軍人爭寶之卒年七十九

田著勳行伍出身為人有膽略知治體咸豐間勦匪有功以守備儘先補用光緒初年擒海盜出力尤多加都司銜賞戴藍翎十八年部選湖北蘄州衛守備抵任後以屯田患水造閘宣洩之蘄軍强悍好鬥為立軍戶義學兩所教其子弟每月定期宣講聖諭廣訓陰隲文黃梅德化宿松三縣毗連衛境則會同籌款築堤捍水以全民命皆非武人所能為也二十六年調湖北武昌正衛守備後裁缺回

泗陽縣志 卷二十一 鄉賢

籍閒居樂道好義輕財鄰里稱仁人焉

以上仕績

房啟閔字君建歲貢生八歲而孤時弟啟闕甫五歲啟閔既長淹貫經史扶持名教與弟啟闕同居六十載齒德聞望為閭邑師表兩舉鄉飲大賓兄弟俱壽登八秩啟閔子嚴吉字仲超廩膳生舉孝子妻胡氏舉賢節提學謝公旌曰孝節爭芳邑侯杜劉田吳四公俱製文旌獎邑丞劉公題其門曰聚德堂一時文人多以詩文榮之

杜學林房孝子傳孝子房

氏諱嚴吉字仲超淮桃源人父飲賓明經諱啟閔隱居教授孝子故得肆力於學為名士蚤擢芹香蜚聲藝苑食餼十餘年事親極得其歡心孝無間於人言於其父之歿也哀毀骨立嘗夜半追思音容笑語杳不可得跪哭久之書其平昔庭訓及思慕之忱禱祝冀獲幽明之晤對如是者三年迺過慟致疾以亡年三十八歲今閭里之教子者率以房孝子為模楷云妻胡氏有節操明於大義方孝子哭親過哀痿病數年所為扶持者甚苦於其病劇朝夕叩大

祈以身代卒不起欲從良人地下而黃口諸孤斃靡恃
于是洗鉛華躬操作勤十指以度日手遺書以課子長男
世棟弱冠遊冀序有聲每試母氏之高教有以成之法今春
亦奕奕能文不可得過抑皆母氏之教有以成之今母春
秋週甲子矣考其先世祖妣夏氏田氏曾姑房氏皆節烈
烟著詳載邑乘蓋亦流風之所煽也余之銜命來挑也烈
辛巳八月比年灾稜頻仍日對瘡痍故未及細而闔邑紳
折心常以為歉泊今乙酉春杪丁先太孺人憂而闔邑紳
士始合詞以孝節具呈乞言受而讀之仰而嘆俯而慚得
乎不及于承乏時一為表暴以闢發孝節之幽光然猶得
顏頤亟美之並約略數言以備史乘之採擇其亦可以少
釋余憾也夫(舊志又有邑侯劉夢禎為房孝子胡節婦傳
文意略同不具錄)

田富可性篤孝兄弟二人兄家頗饒富可爭養其父晨昏
省安否飲食必視以進父或以他故撓心多方勸解俟其
容霽方已否則終夜不眠鄉里稱為純孝崇祠鄉賢

吳日宣字常吉邑庠生慷慨尚義孝友性成兄日升弟日
新均早歿嫂李氏生一女弟婦劉氏生一子皆在襁褓娣

泗陽縣志

卷二十二 鄉賢

二六

姒同心守節宣力成其志年四十二歲卒子振聲甫七歲
孤苦零丁宣妻陳氏茹苦含辛撫孤守志朝夕舉宣之遺
志涕泣以教後振聲力學應明經有子四皆英俊時人服
陳氏之善教而謂日宣宜得此厚報云

盧士觀父廷璧伯父廷玉同居八十餘年父歿觀年十七
與弟士泰士晉士咸先後俱列膠庠同居歷五十年家政
悉秉於觀內外無間有莆江鄭氏之風觀由庠生入太學
授州同管河務有成績

盧宗禮幼失怙事孀母至孝母病祝天以身代旋愈未幾
宗禮病且劇知不起乃囑妻陳氏奉母撫孤並遺以詩有
云我命不足惜母命重山斗後陳氏以節著立坊

王國珍父魁武早故母陳氏守節時國珍方在襁褓家甚

貧及長竭力養母母故葬張家莊大道旁每遇必備物以祭祭必哭終身如一日邑人稱為王孝子

鞠仁麟字厚菴邑增生侍母疾衣不解帶湯藥必嘗露體禱雪中願以身代家貧壁立同學友晏公端書為討捻經略過洋河諄請入幕以母病堅辭不就晚年邑宰張景賢引為上賓政治多所贊助門生慮其貧有以事薦者乃作詩謝有知否老人人生計足心田無日不深耕句生平著述多燬於兵燹惟存哀鴻嗽一卷約五千言蓋愍捻匪入境淮徐間軍官擁兵不討坐使匪勢蔓延生民塗炭也卒年七十餘張景賢為作墓志并有祭文

墓志文云鞠厚菴先生乃官淮安府詠之

舅孫詠生仲謀仲謀生遷吉為先生高祖歷曾祖殿臣祖振旅父天成凡六世未回順天府大興縣原籍先生念累代墳墓在桃源縣治遂寄籍焉余知此縣事夙聞先生為人鄉里率皆親而敬之畏而愛之不勝欣慕及與訂交見

泗陽縣志卷二十三 鄉賢 三七

其出言行事無非正直剛方誠邃於學而周於德者也交既久情益洽惜余來晚約將一年先生已老而病病而歿矣自公過訪以迄問疾禮分賓主宛然如昨會幾何時而竟境隔幽明耶嗚呼傷哉先生長子監生文田次子附生文鎔并前先生歿即於殯前慰問三子文泰文泰行類於出所遺四言韻文二十二句示余其詞曰士有百行類於全備為善則難為惡則易善惡無常遷移之異遷善福基遷惡殃至一念之間升天入地戰戰兢兢冰淵危厲日月難留年紀易逝往不可追來猶可冀無貳爾心無忘爾志赫赫明明手指目視不可慎其難庶幾歿世余盥誦而復慷慨悲歌曰耆舊幸存兮如晨星之漸稀老成凋謝兮悵咨度而誰依

唐瑄字西獻國學生父歿事母以孝聞砂疆河水漲瑄率鄉人築隄堵禦河院田獎以金玉其相匾額

唐恆誠家貧教讀所得修脯悉以養母咸豐年捻匪寇鄉里負母避難母病無力購藥剗股醫之時有孝子之稱

于綿慄原名無疆庠生性孝友父病篤割股和藥旋愈學使彭獎以德孝堪欽匾額邑侯李旌其門曰望重一鄉嘗

白族人冤抑里中有爭競者質之曉以大義咸敬服僉曰
寧爲刑罰所加無爲于君所短著有詩文雜志一卷卒年
八十七子藝揚庠生

王靜觀字心齋父韜字蘊才俱庠生韜質直好義嘗請撥
于工灘田百二十頃以充書院膏火文廟歲修士林稱之
同治二年捻匪入境土寇韓春林乘機搶掠韜禁賊怒並
掠之韜憤言賊奴不法豈謂天下永不太平耶韓懼殺韜
事在二月二十日靜觀控於官韓越境逃官無法緝捕靜
觀痛大讎之未復也日夜號泣百計偵訪至七月二十七
日卒得讎人於清邑漁溝手刃焉距韜被害之時僅五閱
月耳哭告於墓而自首於官羈半載官憫其孝釋之

楊彥清文生早歲喪母從繼母成人弱冠喪父事繼母盡

泗陽縣志

卷二十二

鄉賢

二十六

孝咸豐年捻匪東竄清以身背母行十餘里始出危境後
舉孝子

邱稅田白春寔寔子啓商黃世祿皆有割股和藥愈母病
事蓋至性感人鄉里化之也稅田旣終養願養天和年九
十三而卒啓商之長女未字時母病夜焚香告天割股啖
母病尋愈世祿妻汪氏割股救姑世祿早亡汪氏孀居撫
四孤成立女二長適朱觀民次適方大章亦各能割股救
姑孝順出於一門尤爲難得

唐席儒字聘卿優廩生父早逝奉母至孝撫兩弟友愛逾
恆人弟有過持之而泣至於不食必弟過能改而後已學
有根柢見義勇爲學憲黃學師胡知縣均有獎語

楊德元城內人咸豐末捻匪陷縣城元奉母陶氏奔至孫

家湖賊擁至急負母渡河力弱水深幾占滅頂羣匪憫其孝救之贈以湯米賊退沿途乞食以歸兵燹後家境蕭條父歿哀毀骨立喪葬盡禮奉母教弟一身任之光緒初年母病危篤元侍湯藥衣不解帶每夜稽顙北辰求以身代尋獲痊愈諸弟各有職業五弟鼎瀕遊庠皆元之教也光緒三十四年縣令李獎以孝行可風匾額同時有葛成璋者亦以避匪負母涉險獲全得旌孝子云

陳仲奎字星府廩膳生曾祖曰廣慷慨好施予置六塘河

義渡

在沈家渡

建香子莊火神廟施廟田四十畝施義塚地十

餘畝於岡隄南鄉黨稱善士焉仲奎生而穎異天性孝友與異母兄孟斗同塾讀書受兄欺凌悉隱忍母詰問欲責其兄奎多方解釋曰兄教誨我實非苛虐我兄聞之亦爲

感化一堂之上怡怡如也每爲文老宿不能易邑侯張景賢師事之肄業崇實書院爲吳勤惠公所欣賞然文章憎命卒不售乃設帳授徒因材施教遊其門者得其吉光片羽莫不騰躍飛去潘化西孝廉廖大奎萃貢其最著也里人孟金鑑少年多才家貧失學奎置之門下衣食書籍悉資之且給粟以養其母尋亦遊庠弟季軫殺人下獄奎傾家營救屬有赦令孟君奔走告貸凡受奎教育者咸樂資助數十日而歎集獄將平反矣適逢縣試生童中有欲以罷考便私圖者陰謀暴動事發嫁禍於奎謂將劫軫出獄奎亦無由辨訴事聞知縣姜爾熾削職奎褫衿自是隱憂成疾參苓寡效卒年五十五軫卽於是年遇赦應考遊庠祭墓之日門弟子麤集痛哭皆失聲光緒五年門人唐晚

蘭劉純酉孟金鑑暨奎之兩弟叔張季軫釀金爲復衿頂
著有班馬異同六經精義三易探源子史含英毛詩條辨
等書子冠英克繼書香補博士弟子員

喬晉書字仲昭世居順德鄉母韓氏早卒隨父冠元受庭
訓年逾不惑尙未能博一衿每試歸輒加詰責稠人廣衆
嗚嗚不休晉書惟向隅飲泣而已少頃復怡顏徐進奉事
如初元晚年得癱瘓疾動必需人又瘖不能言凡有所需
以頤視以目求朝夕承事每先意得之夜侍寢溲溺煩數
晉書伺其將起進器承之一夕六七起無稍訛大解則呼
人扶持以身翼之有濡染則易中衣遲明洗滌不假手家
人盛暑驅蠅蚊嚴冬熾爐炭一飲一食非親嘗不敢進蓋
數十年如一日也元卒年八十一

饒向榮字欣甫監貢生加捐州同銜孝自性生七歲母病
目甚向榮舐之晨昏不間月餘而目復明其後母年衰抱
沉疴向榮調護備至焚香虔禱籲求身代刲股和藥以進
母病尋愈向榮生三子長其昌次其傑鄉黨亦稱其孝焉
劉秉仁事繼母盡孝母怒必跪受杖怒解始已母怒他人
秉仁夫妻必和顏勸解母有疾侍藥必親嘗鄉里稱之厥
後皆受旌獎

倉傑魁年十八未娶母曹氏臥病二年傑魁侍湯藥未嘗
廢離割股救療終於無效母卒痛不欲生父勸懲始就飲
食期年未有笑容忽中痰厥殞命蓋悲哀之過也宣統元
年舉孝子

以上孝友

陳日愈字聖俞明治子康熙年入太學考授州同才識明敏首倡撥補之議除民間養馬害遇水旱則請蠲請賑公而忘私無所避忌喜賓客重交遊撫弟遺孫慈愛性成施藥救貧義聲載道京江張文端公題其書室曰桂山堂陳圻字南馨康熙戊午拔貢事繼母孝爲人公正剛直好施與排難解紛族中推以爲長年七十無病卒遺夢乩降云冥府授廣西江州城隍所言甚悉正直爲神理或有之子象元邑庠生

盧邦棟貢監考授州同改河南開封蘭陽縣丞康熙三十七年終養回籍孝親睦族鄉黨咸仰欽之施義塚於岡陵設義渡於三岔濟貧周急邑有大事皆咨訪而行壽至六十五而終生子四長汀以州同效力南河工次次準次涵

邑庠生次沛國學生

趙昇崇河鄉人敦本務農事親孝三世同居好善樂施捐義塚地雍正八年大水民人漂溺昇置船撈救無數水退捨船爲義渡年近八旬子孫皆賢

史承印夫妻俱壽逾九十爲人好義樂施每遇荒年輒出麥豆數百石周卹貧乏其他施衣助葬甚多子必麟歲貢生康熙四十八年邑被水災必麟質田十六頃買穀賑濟稱貸者悉焚其券人稱盛德後有齊克慧者亦以焚券千串見稱鄉里云

王維屏號渭叟康熙丙戌歲貢爲人孝友端方曾出已田以息族人之爭雍正元年邑大饑設廠賑粥米屏董其事民沾實惠得獎觀國之光四字後任太湖訓導整躬率物

修葺學宮人咸德之著涓叟詩草藏於家

熊廷常儒士幼時至性過人居家孝友喜周貧乏賴以全活者不可勝計里中號爲長者自漕部院以下各給匾獎譽子存理任建德教諭署縣事人以爲樂善之報云

陳兆捷字汝用考授州同知剛直好義孫嶠字又峯邑庠生博學善書法時以川澤效靈案內多浮糧兆捷遣子元善與嶠聯名上書大府遂獲豁免其後有宋士奐以新淤重糧民不堪命呈請減征邑庠生張嚴請革除車牛扛夫稽料等役並減浮征皆爲當時所稱嘉慶年吏胥勒派夫捐郡生員蔣晉芳呈免焉

丁啓玉父應時早故事孀母孝母死啓玉絕飲食者數日幾至滅性爲人急公尚義邑侯杜劉佟俱有旌匾

泗陽縣志

卷二十二

鄉賢

三十一

孫岐鳳性孝友存心仁厚住王家集曾拾遺金百餘兩召其主而還之出買僕二人年饑賑粥三施義塚其他善行不可枚舉邑令兩賜旌匾曰福壽綿麻一方雅望

曹炤邑庠生好善樂施曾施義塚地十餘畝立義學一處凡鄰里貧寒子弟均來肄業族人曹吉士入泮子堂堅孫鉅亦列膠庠人以爲作善之報云

袁茂翹居家孝友行己端方好施捨樂周恤康熙癸丑舉鄉飲大賓邑令獎其額曰望重鄉評壽至八十生子三次仲模季楷同年入泮楷復以孝聞曾割股藥親楷子三次仲元季麟元亦入泮

時景昌庠生好施與建劉婆澗磚橋置義塚地造廣福菴善舉甚多胡滄海顧文光陳斌許位方亦各能輸財爲公

益滄海修治北及顏家岡兩大王廟文光性孝友簽分衛
千總以親老不就好扶危濟困宜興胡姓因訟累鬻女已
立券文光給值令歸父女完聚其他事多類此斌潔已好
修捐建學宮泮橋位方亦有募修學宮改建魁星閣事皆
錚錚有時名

張永賢崇河鄉人家資稍富好善樂施雍正八年大水民
人蕩析離居朝不保夕永賢力爲拯救賑粥施綿存活甚
衆其有死亡者給以棺木不問其姓氏邑宰睦嘉其善行
具以聞當道賜匾旌獎子國寶國學生能繼父志

席文錦字繡亭庠生乾隆時砂疆河淤塞秋潦泛漲民田
盡爲澤國文錦慨捐巨資開楊家灘民便河引水入崇河
以達砂疆河工既竟知縣趙南觀上其事大府疏獎同知

銜

陳豫省尹萬祿周德皆太學生樂善好施若合符節乾隆
甲戌淮北大饑豫省毀家賑之全活甚多萬祿捐三百金
德捐五百金助賑撫憲莊旌萬祿義士獎西江鱗潤德獎
心存濟世鄉人榮之同時有貢士翁丹葵者亦以賑濟鄉
族得褒樂善之門

梁坦庠生慷慨好義善善而惡惡不相假貸時黃河決口
餓殍浮尸如藉奸民因緣以爲姦利坦憤請勒石杜弊鄉
里以安孫一鳳授河標右營洲口汎外委把總人以爲厚
德之報云

王開來性剛直好義乾隆十三年投効河營食戰餉充百
總督率兵夫能代人任勞怨喜詰不平威武不能屈晚年

淡於利祿慷慨好施有墾田五十二畝在三義壩東施作義塚水利河渠嘗語人曰吾子孫能自食何必爲牛馬之計卒年八十

周璜太學生嘗見河工發掘叢塚枯骨暴露買地施而瘞之陳需亦太學生請除河身逋賦歲歉里人鬻田需受之後更焚券還田死生骨肉其茲二人之流歟二事皆在乾隆年

劉朝五字倚福太學生家富裕見義勇爲嘗代鄉人納賦息訟穆袁兩蕩蓄水爲害朝五濬渠洩之（今泰山劉家溝是也）施義地振貧乏譽周鄉里監察御史胡紹南知縣趙南觀均有獎語子七冠英冠玉均武舉見科第

泗陽縣志 卷二十二 鄉賢 三齒 一
盛際可字兆先磊落好義嘉慶年與太學生胡振常創造二來涵子二橋往來便之際可精醫疹痘科有起死回生術年八十無疾卒孫瑞徵壽榜副舉人

劉肄醜字開先監生好善樂施道光年歲荒出私囊二百千以賑鄉里子業湘中戊子科武舉鄉鄰有貸其錢穀力不能償者悉取券焚之人稱其有世德云

蔣雲峯字蓮崖號仙臺優廩生品行端方急公好義邑有淮濱書院經費不足道光十四年于工灘放墾雲峯與生員王韜上書大府請撥灘田百頃充書院經費又撥二十頃充文廟歲修至今賴之雲峯工制藝邑侯唐汝明選入校士錄

張樹人字揆百號培庵太學生藍翎五品銜州同道光壬寅河決楊工六塘淤塞上書河帥借帑挑洩並捐資築橫

隄里許以遏洪流地方攸賴咸豐末年捻匪陷縣城事後
修築城垣砌樓建縣署葺黌舍百廢俱舉又濬成子河長
壕以防捻匪南竄樹人實董其事邑侯李振鬢獎急公好
義張景賢獎詩書燕翼匾額壽八十一歲子印心宅心別
有傳

張木性耿介遇事敢爲軫恤孤貧寒施食衣暑施茶湯哀
憫流亡生者給銀錢死者予棺木卒之日鄉里咸爲出涕
夏掄舉字子揚邑庠生少時家貧勤讀不輟孝友端方課
徒循循善誘邑人奉爲師範董淮濱書院事聯名具稟漕
督撥銀二千兩存典生息補資興膏獎費時有洋河巨商
戴鼎臣者嘗捐錢五百串助建魁星閣皆爲士林所稱

陳鏞字配笙號可貞國學生居洋河鎮敦品力學爲士林

師表咸豐庚申鎮遭捻匪居民流離死亡枕藉鏞慨然與
夏孝廉掄謨築圩禦寇不避勞怨數月圩成鄉里賴以保
全今米市圩其舊址也鏞四十無子買妾詢知爲某氏女
其母爲救荒鬻之贈粟遣歸又買船戶女訪知已字某氏
未婚厚贈歸之繼娶孫氏生子孫枝繁盛年七十二無疾
終

鄭儒珍字以待監貢生布政司經歷咸豐十年捻匪東竄
縣城失守率練抵禦保全一方復築圩於黃家嘴爲縣東
面保障匪再至不得逞子藹臣字仁溥精岐黃術充恩福
市總董

陳祥麟庠生保試用訓導張旭陽谷以鎔皆以生員保授
訓導加光祿寺署正銜當咸同兵興之際供億煩苛縣官

奉大府令急於星火初不計民力任否祥旭陽幹旋其
間多所假貸以鎔遇事敢言不爲威屈勢沮雖驕兵悍將
亦馴服而相安官無廢事民忘其勞三人之力居多也後
數十年有增生陳履潔者急公好義喜獎誘寒峻多所成
就光緒二十四五年間歲饑多盜履潔贊助邑侯孫友萼
請工賑濬成子河涸湖田數百頃皆爲膏腴沃壤民賴以
食辦團練連莊拔丁以軍法部勒使守望相助於是盜賊
無所容身淮揚道謝獎靖衛鄉閭匾額

單時中字同方太學生選直隸州州同慷慨好施予親族
告貸恆不責償咸豐二年大饑設粥廠賑之時有張大勳
者鬻田三頃周濟貧乏亦時中流也咸豐間軍興餉絀統
帥僧格林沁檄各縣富紳捐助時中慨助四千緡邑侯曾

泗陽縣志

卷二十二 鄉賢

三十一

惠極器重之長子復元保舉六品軍功次子復初邑庠生
以孝友聞著吟香山房詩草

莊庚如字星橋增生少篤學恆以有文無行爲恥居喪一
遵古禮經推腴田於弟裕如自居別村嘗倡築六塘河決
隄知縣吳棠重之邑大事皆取決焉咸豐初舉孝廉方正
子繡甫拒捻賊死難祀忠義

莊仲甫字次山郡庠生庚如仲子性孝友少慟兄繡甫戰
歿每思殺一渠首爲報仇平生律已嚴正里中有爭得一
言解紛輕薄少年見之汗輒竟體聆其言論而自咎改過
遷善者十居八九故德望爲一時宗仰光緒元年舉孝廉
方正弟吉甫貢生幹練多才歷辦地方公益與田建瓴齊
名

莊鳳樓字文華監生孝友睦族濟東泰武臨道夏獎額曰
厚德凝祥子芷國學生充書院善堂董事急公好義學博
王書品重仙源額贈之

田耀宗字亢吾庠生同治元年舉孝廉方正以辦練勦匪
功加光祿寺署正桃邑地濱洪湖每歲夏秋湖水漫溢爲
災甚鉅嘗上書漕帥吳公請築攔湖堰十餘里俗謂吳公
堰又疏馬廠湖下游以殺水勢民田賴以保全光緒二十
四五年歲饑耀宗捐錢七百千以助公振復於莊前設廠
施粥數月新穀登場始止前後全活生命以萬計卒年八
十二子建瓴字孟樓恩貢生授府經歷急公好義剛正不
阿邑中有大興作必以諮之光緒三年建常平倉五年建
考棚瓴皆捐款以爲之倡其土木工作綜理細密人謂瓴

視公事如家事故手創諸工皆足以利賴後人庚子以後
世變日亟瓴知天下將亂豫於新灘七號築莊圩爲守禦
計人服其有先見之明治西南多水患瓴請開成子河洩
之民受其福科舉既停邑令張鎔萬就文場房舍改立青
選學堂瓴爲校長起藏書樓購置新舊書籍二百餘種士
林仰之如饑渴之於飲食也晚年家居課子孫讀書絕口
不談世事人以此多之

葛龍田字雲卿歲貢生家居授徒門下多知名士清季廢
科舉立學校龍田與邑紳田建瓴同辦青選學堂購置書
籍儀器邑之俊秀皆在焉又別籌貨釐於衆興設廣益學
校於新灘設愛同學校以漸教育之普及光緒二十五年
江北大飢春振不足當道籌借商款設當田局許災民以

田契抵借俟秋熟贖回償欸商民皆無損失龍田適董其事有功保知縣光復後土匪肆擾築圩保聚鄉里以安民國七年徐大總統獎修德於鄉匾額

劉肄傳字薪菴號慎輿先世以富稱至傳中落經商於衆興集遐邇歸之不數載復舊業或勸殖產爲子孫計傳曰驕奢淫佚以爲父母戮者類皆豐厚子以財賄之何啻速之禍也歲飢傳陰使人持錢米襦襖昏夜間分給之所活甚衆漕督吳題獎五品銜加二級邑之察院久廢縣試就書院及學宮行之學童坐列階石風雨暑濕苦甚光緒三年周令孚裕將作考棚傳首輸巨資事遂舉重修學宮傳董其事而樑記堅不書名其謙謹類如是歿年五十七歲周令表其閭曰一鄉善士子業椿能繼其志有聲黌序

陳卿文字雲舫豫省子世居洋河咸豐間苦匪逼築圩禦之遊擊張振西嘉其功凡邑有大工皆與焉尤能得上官意總漕吳棠築清河縣城檄卿文監工以功保候補同知同治初年歲凶道殣相望卿文倡捐施棺簾掩埋並建樂善堂一所子仰恩王汎千總見人物表仰恩保舉同知銜民國十二年蒙大總統褒額里黨稱賢給獎紫綬銀章陳素繪庠生議叙知縣道光壬寅河決楊工倡捐拯救族人飢溺咸同間捻匪猖獗帶練擊之總漕庚長吳棠迭保通判同知試用道等職銜其族人附貢陳雨之亦以慷慨好施聞築義聚圩避難者萬人煮粥徧食之全活無算張印心號月潭樹人長子增貢生董鄉政垂四十年潔已奉公從無物議邑侯陳紹唐欽其非公不至以澹臺子羽

相許陳杭亦仰慕詩名造廬問道樽酒唱酬而去鄉里咸
豔稱之著有逸叟詩存二卷雜著一卷同里邵芾棠爲作
傳弟宅心號竹山庠生聰慧工詩詞性孝友嫡母病與印
心更番服事刲股和藥以進母歿哀毀骨立尋卒年甫二
十有二時論惜之光緒間旌表著淡月齋詩集
毛允元太學生品行端謹歲荒嘗煮粥以食鄉里年七十
知縣孫友夢贈德隆杖國匾額

唐東陽字旭齋宅心好善壽百有七歲子孫衆多鄉里榮
之唐蔭南唐冶蘭唐躅芳皆其族之錚錚者蔭南嘗助貧
人棺材及麥飯冶蘭領學田二頃餘興學借粟代工躅芳
築圩禦寇自利利人可謂善用其財矣

夏懷金善拳勇喜任俠嘗負債以濟貧乏里人德之鄰婦

投井夏持鈴懸索而下約聞鈴聲則急挽索果曳婦出得
不死沈倉交惡倉健訟沈則強梁也一日遇於野沈持刀
逐之倉窘而號夏鋤於田聞聲奔救沈刀將及倉夏蹴刀
數丈外倉得逸去因構訟引夏爲證獄久不具將刑訊夏
取決夏大痛自語曰沈三殺倉三何豫某事乃救人之死
而刑父母之遺體不孝孰大聲嘶淚簌簌下上官廉得其
情爲感動遂定案洋河王商者自九江運掃竹過淮關已
納稅放行矣關役要素未遂尾之至洋河貨已入肆新舊
雜陳更以漏稅稟關吏驅役十餘人逮商虐之甚生員陳
新不平並逮陳拘於逆旅夏聞之乘夜踰垣入掖陳出役
左右披靡無敢當者陳申訴得直然無夏之解救則已同
爲魚肉矣太史公所謂游俠者非歟

尹鴻賓洋河人父荃嘉慶舉人鴻賓幼承庭訓砥礪廉隅年三十得一衿爲義學師表同光之際匪魁孫懷五嘯聚桃宿間右營千總周仰山拏獲匪目劉鷺忽匪徒大股掩至周惶急遽以劉至鴻賓家匪潮湧合圍囑言不出劉將火鴻賓要匪謂之汝等拒捕抗法我請周君縱劉是庇匪也今令隨官去汝亦仇吾無可解吾今偕劉同往劉死吾亦死吾雖死家不至滅周亦無枉法罪其可也賊不忍復拒遂與周挾劉至營遊擊張振西素耳鴻賓名慨然曰吾殺賊而累公是不義也直公而縱賊是枉法也吾寧枉法不陷不義又謂劉曰吾今釋汝爲尹君也汝能改過幸甚仍爲惡則釜中魚也能幾何時存而不伏法乎今釋汝汝其思之劉叩頭涕泣隨鴻賓出卒改行爲善士鴻賓嘗授

洋河義塾循循善誘貧寒子弟多賴之年八十以壽終陳榮璉庠生通經學同治二年助陳淦源築忠恕圩禦捻匪光緒二十五年大水請工賑疏魏家河上游以洩喬家窪王家窪夏家窪一帶積潦入湖民田多受其利璉年符重游泮水光緒三十四年學師趙請於提學使陳咨部立案并給匾額芹香晚節年九十無疾而卒王觀韶邑庠生忠信篤敬鄉里咸欽凡有競爭經其開導無不解決咸豐末年助陳雨之築義聚圩賊不敢犯圩中人多乏食首倡義捐煮粥遍施全活甚衆是時捻匪方盛道鮮行人其父養黎被困姜家圩則率圩丁百人奔赴車載以歸賊衆見之弗阻也著三希齋寤言四卷芸窗賦草四卷子椿森歲貢生候選訓導

楊克勤字邦甫號靜山廩生以經史詩文課弟子講席嘗滿科舉既廢奉令調查私塾改良教科創立養正小學爲泗陽初級小學之先河附設簡易科使鄉里少年皆通文義其教澤及人爲多其對於地方公益尤具熱忱當光復時首創聯莊會以警盜匪組織布廠安置無業遊民創立風俗改良會使婚喪各事儉不廢禮鄉里知所矜式蓋誠篤君子也

以上德義

劉永慶字衍餘嘉慶戊寅武舉補漕標把總陞海州千總時濱海多強暴憚永慶威嚴莫敢發咸豐二年髮匪破武漢蔽江東下檄永慶赴上游堵截永慶率兵二百人從制府陸建瀛西行至九江折回守南京水西門而鳳儀門陷

永慶奉調進擊至旱西門遇賊決戰殺賊數百人士卒死傷過半永慶被重創部下苗保之欲負而逃永慶呵之使去先是副將沈鼎由徐州中營游擊奉調署南京城守副將至是見賊薄城開門迎敵力竭並遇難世稱桃源二忠事聞並卹贈雲騎尉世職崇祀金陵昭忠祠永慶子承露由武生倡辦民團保獎六品軍功從河南撫帥張勦匪多著戰績賞戴花翎亦有父風

顧學蘇河營効用咸豐年改歸操防捻匪東下蘇勇敢善戰率隊百餘人執長刀衝鋒連砍數賊賊蜂至寡不敵衆遂遇害十餘日家人尋至面如生衆犬守護屍無殘缺

劉肄升字進南號雲樵歲貢生品端學粹著有雲樵詩集四書人物備考年八十一同治初捻匪竄擾河北升衣冠

坐廳事罵賊被害同時若生員于藝醇吳熾馬芹藻陳擢英陳化遠陳潤身陳素定張弼堂陳綬堂吳峙峯田耀彩武職楊治國許同泰許連桂楊逢春金標陳植周松泉程驄義士莊繡甫吳俊彥陳豐祿張玉人楊景震陳鳳雙陳長安翁樹屏葛鳴初史惟三倉惟齡倉行岳若而人或舍生取義或執節效忠或帶練擊賊殉身陣地事後彙案奏聞皆授雲騎尉世職入祀忠義祠嗚呼烈哉

以上忠烈

謝逢春字木公康熙年歲貢生孝友端方邑中奉爲師範門人得列膠庠者七十餘人子鬯讀書自愛亦列明經同時明經有喬枝起者廉介自矢動守禮法士林咸楷模之張東宿康熙貢士性孝友博極羣書尤邃於天文地理授

安徽合肥縣訓導課士以孝弟忠信爲先次及詩古文辭故遊其門者多知名士時有淮西夫子之譽

盧湛字濬深士恆之孫邦定之長子也康熙年間由廩監考內閣纂修明史館實錄善畫尤長書法人得其寸箋尺幅莫不珍如拱璧嘗著關公靈蹟志進御頒行天下考授州同知官河營多著功績授歸德府虞城縣丞子元鑄授淮安府裏河千總乾隆元年誥封二代

胡禮全乾隆丙辰舉人庚戌賜翰林字勿厓一字惠嘉朝考二等授江寧府學訓導以興賢毓才爲已任甄別士類朔望講書如嚴師之誨弟子一時執脩脯拜門墻者絡繹不絕阮宮保公子葵生禮全賞識之每日葵生不高發吾不復相天下士矣門下弟子得其吉光片羽莫不芥拾青

紫蔚爲國華乾隆庚戌禮闈總裁阮葵生搜遺得禮全文因係師生避嫌不敢自專乃呈御覽賜翰林院檢討士林羨之著有時文識路四卷勿厓詩古文二卷左傳備考四卷史鑑尙論四卷四書學庸講義二卷桃源縣志十卷晚年畫葡萄尤入妙品

莊爽字挹西歲貢生屢舉不第性端方文章爲一時所推重學憲莫贈聯曰人品無瑕玉界尺文章有骨錦屏風又學憲王褒額典重明經

蔣東垣字震青歲貢生候選訓導王以銜學憲贈經明行修有至性丁父母艱飭粥三年嘔血以斗計終身祭享必痛哭遠近以孝稱焉少工舉業中年薄時文爲小技潛心理學讀書樂道著有蔣氏家範喪禮破俗論人鑑性理錄

要等集餘稿盈篋咸豐末年捻匪東竄築圩保聚鄉里賴之以安

裴榮先字向亭郡增生治西界頭集人也其先累世書香及榮先尤劬學不倦生平無一字入公門臯比講學更歷五邑門下士食餼游庠者五十餘人年八十學使溥獎額不愧純儒子玉球玉璜俱增生

劉業五字春湖郡庠生學問淵博性磊落好施與篤交遊重名義鄉里稱善士焉隱居教授裁成有法于占鰲沈偉師事之皆一時翹楚與同邑房震亨劉子山查懷儒諸名士結爲詩社以風雅道義相切磨尹侍御耕雲素奇其才謂非尋常流輩所及也喜爲詩好飲酒著有醉月軒醒月軒詩集梓行於世膾炙人口

房震亨字長卿歲貢生性孝友與兄泰亨同居老而彌篤諸子弟化之皆能以文行相砥礪爲鄉里矜式喜爲詩有風人敦厚之旨其論作詩之要曰人之性情不一其見於詩也亦不一古之詩人若太白之疏狂少陵之牢愁夢得之語含諷刺冬郎之體好香奩凡此類者各有不可遏之性情故直舉其所欲言者言之今也不然冬烘先生效顰學步既俗不可醫講學家泥敦厚之旨好爲老生常談又腐氣可掬其無能爲役也固已一二有性情之士其才非不可卓然自見而亦爲俗情所拘牽將欲放言高論則恐笑其誇張偶涉綺語豔詞則恐譏其輕薄至於事有可諷人有可刺尤斤斤焉唯恐得罪當世方箝口結舌之不暇敢復形之歌詠哉世故日以深天真日以失其始欲爲而

不敢爲卒亦不能爲矣云云故其生平吟詠直抒胸臆莊諧雜出或取里巷謳謠點竄成篇無不可歌可泣蓋白香山陸劍南之流派也著有甦翁詩文集行世自業五震亨以外文學代興上焉者講求身心性命之學辨析義理次則紀述嘉言懿行以資世範又次則憤世嫉俗抒寫性情蓋亦不乏人也上下百餘年間或著作等身而名字湮沒其僅有存者除已散見各人傳中不復錄茲摘舉可傳者著之於篇亦微顯闡幽之宏旨也

胡粹純字錦完著周易便覽三卷窮理省身集三十卷孫

家駒字里千廩監生博極羣書精易數善風鑑清河吳涑著抑抑堂

詩文集其札記有胡翁別傳略云胡氏世攻經翁能傳其家學而獨以技術顯蓋由易以通之卜筮及於推步而旁涉夫堪輿求之者戶外屢常滿翁不能堅拒則一肆應之嘗游京師歸語人曰今上非壽者相且非太平天子度

也大清社行且屋矣時方在光緒中一年未幾戊戌政變未幾而德宗慈禧后相繼賓天未幾宣統御極遜位亥之亂人皆以翁一言為趨避所判斷若有懸解人莫得而測也翁平時則占大六王然所判斷若有懸解人莫得而測也翁與身並立而色某童冒然驟見者幾不以翁言為太驚蓋亦以貌失之有所言接學士大夫田父野老無所加損為人度地不索費不輕言遷葬凡此皆有道之所為今翁逝矣吾恐後人徒以技術視翁故於世之驚詫以為神者一切弗道而最其學學大者著於篇

與家駒同

時有歲貢生徐三雅者亦能為占驗及堪輿之說

張覺先字鏡初學以主敬存誠為本著讀書語錄一卷藏稿未梓

陳貽壽字靜山歲貢生著三國志附註及吳疆域志圖說

蔣東奎字映杓增生皓首窮經不趨榮利著二論啟蒙消

閒吟醒迷鐸歷代甲子紀元錄等著藏稿未梓

泗陽縣志

卷二十二 鄉賢

四十五

朱悅紱庠生著周易求源經解七卷亡

陳奎光庠生陸城鄉人著學庸講義

顏卓清歲貢生崇河鄉人著日省錄一卷

郁邳廷歲貢生蔣家集人著養心錄一卷

吳裕源歲貢生吳大園人著四書講義藏稿未梓

韓淮洋河人著守先迪後錄二卷

陳穎庠生工書能詩田園自樂所居介鍋底下家二湖之

間因號介湖老人著介湖詩集

喬凝承博學多材著有課徒草詩古文辭未梓

喬京起著自怡齋詩草亡

喬鳳起著邀月山房詩草亡

查懷儒癸酉副貢生慷慨好施通經史尤工於詩著蓉蔭

齋詩鈔

張子坤同治庚午舉人著求是齋詩稿

張錫寶著兩河詩鈔

沈偉廩貢生著鋤經堂詩文集

姜之琛著柳江詩草未梓

劉覲廷字思顏增廣生崇河鄉人著鋤月村詩集

張嶧字魯山增廣生洋河人工詩善書嚴取與慎交游著

欵冬集自悅集

王室屏字樹藩廩貢生大莊圩人博學多聞著陋翁詩文鈔行世

陳善寶字楚材廩生父培綬好善樂施呈請撥河身淤田定爲學租往返費千金無吝色亦無德色邑人張如翥爲

泗陽縣志

卷二十二

鄉賢

四十六

作傳善寶生而穎異讀書過目不忘爲文下筆千言驚其名宿年三十六而卒邑之人知與不知皆惋惜焉與善寶先後以能文鳴者則有史詣純臧雲衢臧養田劉平壽劉平易劉平久于藝馨張如柏周雲程邱樹助王彭壽蔣祉若而人或貢成均或登鄉薦粹然爲一邑文獻所宗而善寶尤英年短折倘亦斯文之不幸歟

于占鰲字海峯歲貢生爲文兀傲自喜書法瘦硬如其爲人常受知於鮑提學花潭勸應鄉試竟以不終場被黜潦倒風塵混跡屠沽市僧之中不以爲辱天寒糧絕僵臥蓬廬不蔽風雨鄰人或饋之食受之亦不謝嘗自爲詩曰雪作心腸冰作骨不妨耐冷似梅花其抱負不凡如此年七十餘以壽終

畢鵬飛字雲亭增生洋河人家貧力學隱居授徒進士夏
掄謨其弟子也著有破睡錄二卷留雲館焚餘稿一卷下
相陳采山題其稿後云讀書常閉戶不與利名期風雅原
天性清高乃數奇論心堅好古傳世恥因詩示我焚餘稿
都成絕妙詞可想見其梗概焉

房蘊生字敬涵號霽亭歲貢生候選教諭賦性警穎爲文
才思橫溢下筆千言操行孤潔視千金如草芥專研經學
通注疏說文爲當時山斗每試輒冠其羣主司稱江北第
一才人著志學錄學顏子百篇傳於世年八十三終

廖大奎字星五其先福建龍巖人以經商居洋河至奎始
入籍同治癸酉拔貢朝考二等儘先補用教諭早卒奎爲
人敦厚重交遊而眷念師門尤摯少時從鞠厚菴先生游

其子小菴境窘迫衣食日用悉以資之歷數十年弗倦治
身以居敬爲主有與論程朱之學者則曰吾人但求放心
無慚平日足矣豈敢妄評古人乎嘗慕屈原之高潔案頭
置楚詞一卷日必誦之爲文出入經史著兢兢齋存稿二
卷子正誼正明正明廩膳生

張英哲字明甫廩貢生學問淵博爲文好以偏鋒取勝光
緒庚子恩副榜年八十九著鏡花緣新義家貧歲饑與其
子就食他方不知所終

以上文學

薛懷字季思山陽邊維祺之甥徙居山陽工詩善畫有維
祺家法並及花卉小品清遠絕俗書法亦得之維祺懷爲
人平實和易以誠信見重遠近垂五十年舉孝廉方正卒

年八十七

史賓字承修自號足廬老人乾隆時庠生善堪輿學博極羣書游歷各省名山大川洞達元奧著地理書五十餘種其已經刊行者惟異同條辨六卷餘如一字訣二字訣地鈴地鉗地說地案傳信錄訓徒八百問十二本延堪要覽喝形說遊山記古今名墓圖穴法錄要入門須知便蒙淺學葬法要覽傳家寶地理補遺地理提綱十二本山平墩嶺四訣平安小地說羅經解用盤要訣地理指迷訓徒說撥沙論葬法錄要行道說點穴法看地知人觀人知地同行異道說地理通俗地理家數平易知分蒙學須知讀書新法城歸垣局說地理斷驗看地捷徑說凶地宜先知說地歸垣局說看地密竅水口訣選擇摘要醒迷錄看山法則二

泗陽縣志

卷二十二

鄉賢

四六

卷風水不可假說指陳四生各弊說書多有意迷人地理考證諸書均未梓年八十二卒

趙錦榮字小南少嗜學從父習堪輿術年二十餘父染疾刲股和藥露禱於庭及父卒哀毀骨立不飲酒茹葷延師課子孫鄉鄰有爭訟者則排解之以堪輿行世邑令許之軫贈額察地以理年八十六無疾終

房世棟陳笏皆歲貢生世棟書法精絕年八十猶能作行草遠近珍之弟世相武庠生亦能書與兄齊名笏字近顏能文章工詩善畫世稱三絕

喬讓張覺緣董雲亭林導波劉瀏毛坦修陶善元湯繼宗均善書法讓工詩詞覺緣積學弗售子掄魁乃游郡庠通醫術活人甚多卒年八十六雲亭門垂半廉人稱半廉先

生導波瀾坦修能爲狂草有張顛太白之風焉善元繼宗以白衣終

張時融臧文濬胡一龍均善丹青時融嘗以畫考置優等文濬廩膳生畫山水得雲林家法一龍善飲號醉仙以蘭菊見重於世

胡立勳善堪輿術嘗摘錄堪輿五種真銓四卷待梓

以上技術

夏斌元字仲華號獻暄邑增生賦性豪俠立品端方精理學工詩文門下多英俊之士著有學庸講義二卷待刊晚年好學彌篤厭聞家事築別墅於打鼓墩南百花萬卷以娛暮景

田鳳鳴字愛梧邑庠生賦性孤潔明敏有才略中年棄舉

子業以詩酒自娛足跡不入城市者二十餘年當時或邀之行及半塗望望然去之曰此紅塵也最足累人食貧居賤不與世人交接課子弟讀書有遊庠者年八十餘終

閔道源字玉山世居仰化集幼孤力學而不習科舉業嘗數月不出門戶壯游吳楚間所過山川皆記之以詩尤喜談山水每於文酒之會少長咸集道源爲說天台雁宕之奇金焦匡廬之勝神氣清朗語霏霏如玉屑使聞之者儼然見翠巒丹嶂深巖大壑俱在目前雖吳道子之畫孫文定之遊記不過也晚年登泰山渡沂泗周覽少皞之墟流連鄒魯之邦古道照顏胸襟並廓然後歸臥里門栽花種竹飄然如羲皇上人非抱道自重者而能若是乎卒年七十四著見聞隨筆四卷詩一卷

以上隱逸

民國

韓懷禮幼孤母張氏孀居屢困學課不怠懷禮長而遊庠食餼留學日本宏文學院一年歸爲縣立高等小學校校長以改良教育爲己任清末科舉初廢鄉塾襲常蹈故詆毀新學課本棄而不用懷禮毅然決然倡辦學會其後改稱教育會激昂演講使知普及教育爲人羣進化之本學校不興何以立於競爭之世界一時新舊潮流風起雲湧汲汲乎不可終日卒之感悟寢多人皆知學校之不可緩數年之間城鄉小學已得數十處皆懷禮提倡之功也光復後家居猶殷殷以講授新學爲急年五十卒故言泗陽教育者當以懷禮爲先河焉

泗陽縣志

卷二十二 鄉賢

五

把大昕字孟宣幼沈默年十二隨父就學上海入京江公學習法文時江北風氣尙錮游學者少昕以隻身稚弱不堪同學生之凌侮改入聖公會小學三年升聖約翰大學七年專修英文年二十一歲投考江海關錄事備取復棄去慨然以教育爲己任歷充灌雲羣英高等清江江北公學西壩運商公立各學校英文教授泗陽第二高等校長凡受其教者皆得文言精確升學以去居浦上久歐僑咸樂與游淮海教育界識與不識皆欽慕焉既而就北京航空署譯科主任年餘以母病假歸爲風寒所中病數月丁內艱哀毀骨立旋以食指之累復任淮安第九中學教務瘡口瘁精遂以不起卒年三十五歲淮海紳學開會追悼銘誅成帙淮安周人菊爲作傳第九中學校長張開軒以

事上省長獎卹如例子四女一俱幼入男女高小學校肄業

以上文學

戴鶴春字壽亭清武庠生被舉恩崇兩鄉連莊會董宣統三年光復軍興九月十六日清江浦兵變掠衆興境內土匪蜂起春冒危難於二十二日集合民壯二千餘偕弟鶴立子振鈞振鏞振鐸姪振鏞振鉢等分左右兩路出發春從右路至董家蕩直入匪圍被匪刃傷要害隕命而鶴立振鈞等從左路接隊冒死搶回春尸誅匪首數十餘黨四散地方賴以安靖鄉人爲立碑以誌哀思文曰哀哉戴公豪氣如虹爲我桑梓殺賊心雄昊天不弔降此鞠凶沙場鬼哭血染草紅安良除暴有國士風庶幾貞珉以銘其功

韓恢字復炎順德市韓圩人也少孤貧無衣食業清季以徵兵留金陵多與賢豪長者游所得餉糈悉以資貧乏無留宿者於是軍中無上下皆翕然稱之恢既聞革命排滿之說遂入同盟會時時鼓吹於軍中每公言之弗諱也退伍後隨黃興游鎮南關廣州諸役恢皆與焉已而武昌起義金陵亦克恢從鎮軍北伐抵山陽而清江浦先已獨立清提督蔣雁行自稱都督軍威不戢閭里騷然恢與阜寧臧在新率民軍駐山陽謀逐雁行代之未幾南北統一遂解甲去創工黨於上海癸丑秋南方討袁軍興黃興據金陵已而委去軍中議迎恢爲江蘇都督是時恢與何海鳴尙在滬海鳴詭言能籌巨貲給軍需恢信之與之同赴金陵以都督讓海鳴自爲總司令然海鳴實不持一錢軍無

現糧衆失望欲散去恢急由商會籌給之部署甫定會謀報馮國璋張勳之兵已臨江欲渡燬下關民居萬餘家光熊熊燭天火焰落城中如雨恢乃慷慨登壇數北軍暴狀聲淚俱下軍皆感奮遂分兵守儀鳳神策諸門城外天堡城雨花台最當衝要恢自守之越三日城破北軍大掠城內居民轉攻城外炮台皆下恢雜人叢中易服遁去東之日本前總統孫中山方創中華革命黨賞恢材勇引共機謀與陳其美不洽譏問去之其美死復隨中山廣州庚申辛酉之間中山以恢經營蘇軍事設機關於滬上號召黨徒將由泗陽襲取清江浦爲根據地然軍無紀律掠新集衆興攻泗陽不克人民疾首痛心不爲援助卒以無功而去壬戌春死於金陵

江蘇督軍齊燮元以密探捕得槍斃之

廣東元帥府追

贈陸軍上將其部下樊炎賀新賀廣等皆先恢死別有傳民史氏曰玄黃之際龍豕並興販繪屠狗之倫無不照耀前史韓恢泗上一鹵夫一聞革命排滿之風思潮墳湧從老同盟會諸先烈奔走數十年得錢輒盡始終一節當袁世凱稱帝之日有以巨金行賄使叛中山者恢視之蔑如也使不謀據江北北黨崔苻得罪桑梓豈非民國史中之完人哉

樊炎本名光炎南洋經理學校畢業光復軍興充五十一旅一百一團右校尉改都督府屬官民國三年陞一等參謀官多所贊劃五年遭洪憲之亂共和岌岌奉孫中山令隨韓恢徵兵淮北號召忠義邑人賀新賀廣兄弟應之將大舉北伐而奸人構之遂於湯家溝死難事後新廣皆蒙

優卹炎之功沒焉同年十二月南京省長令自辛亥以來迭令市鄉董查明稟請撫卹泗陽僻處邊隅適遭匪亂道塗梗塞未及周咨竟將烈士樊炎漏報未免疏忽云

莊其仁字厚卿清庠生宣統元年舉孝廉方正充江蘇省諮議局議員保舉同知銜賞戴花翎民國元年任泗陽北鄉清鄉團長二年奉檄改編陸軍第二營營長訓練有方出境勦匪屹然爲一方保障五年遭洪憲之亂其仁乃心民國潛謀舉義響應滇黔事未發而奸人構之遂遇害六年奉大總統令昭雪七年復奉部令飭地方建立專祠以垂不朽

陳同爽圩董民國四年四月匪犯莊圩同爽及子翼升率民團陳鎮儒葉兆選等擊之皆戰死知事藍光策詳報奉令同爽給金斂葬並卹其家

倉輔魁優級師範生榮魁之兄也當榮魁肄業江北師範時家境艱難輔魁節衣縮食以供學費卒得成名民國三年土匪猖獗輔魁有寄莊在洪澤湖濱嘗親率練丁晝夜巡邏地方賴以安堵倉集防營陳排長統隊勦匪於唐家圩之西輔魁率練助之戰北落賊手其喪身之慘言之痛心榮魁爲兄報仇懸賞格獲巨匪數人正法以慰英靈亦足報乃兄於地下矣

史之壽順德市史三莊人爲鄉董辦團練以某年月日死於匪前邑令藍光策爲之傳傳曰民國三年十一月余奉檄赴泗陽任是時泗陽遍地土匪而北鄉尤甚破圩屠殺營連排長多陣亡而兵士死者猶不計其數賊鋒不可當

其魁曰丁明斯踞丁家嘴丁家大莊爲巢穴與史三莊緊接史三莊圩外皆賊壤也史三莊孤懸六塘河之北六塘河南尚有運河黃河黃河之南爲縣城以史三莊與丁家嘴丁家大莊爲三角形史三莊不破賊不能飛渡六塘運河之北爲衆興鎮衆興不驚而縣城可守之壽性迂腐頑固常咿唔四書六經余剿匪帶警備隊會陸軍至史三莊之壽來謁與之談鄙夷新學至以學校爲學生兒童之害余不暇與論然其整飭團練聯絡軍隊與賊抗拒不屈多方招誘不爲稍動甚至家食糠粃而勸募鄉人出糧並罄己所有以供軍儲雖屢瀕於危而孤立不破其苦心毅力可忽視耶厥後丁匪就擒全境肅清論其功蓋不少矣余任崑山有自泗陽來者曰史之壽爲賊報復死矣藍子曰

江北之亂其源數百年况光復之後秩序大壞等威不辨無識之徒皆有揭竿思想假名討亂適以倡亂余兩任是邑率以嚴治然不過苟安旦夕補苴目前急則治標之一法耳故救平未久而匪亂又熾如江海之潮循環漲落烏有根本之治乎民生其間殆所謂火炎崑岡玉石俱焚豈獨一史之壽而已哉

王用恆臨河市團總劉華璋崇河北市團總皆於民國六年帶練勦匪陣亡用恆在臨河集經商素慷慨不避險難既身任團總益以保衛鄉閭爲己任匪攻圩督練守禦中彈死鄉人爲立碑記之華璋屢助官兵擊匪匪銜之甚七年匪計誘華璋遂被害事後均奉令旌卹

陳宜權字巽甫清太學生宣統三年民軍四起土匪乘之

蠢動宜權招募練勇保衛金鎖鎮十月悍匪數百攻鎮權拒之斃匪數十餘悉逃竄鎮得以安民國三年五月三元會匪劫營燒軍械延及小東街權力拒匪却之且救火保全甚多由是遠近皆知權能知事藍光策檄權充第十五團團總權益振厲七年三月匪二千餘攻金鎖鎮衆寡不敵遂於槍林彈雨中被匪擒去不屈死同時遇難者陳同春及蔣氏母子練丁張朝選焚焉奉令旌卹鎮人爲立碑記

以上忠烈

泗陽縣志卷二十三終

泗陽縣志

卷二十三

鄉賢

五十五

